

Կազմված է «___»_____2015թ.

Տպագրված է ընդամենը 2 օրինակից

Օրինակ-----

ՀԱՍՏԱՏՎԱԾ Է

ԳՐԱՆՑՎԱԾ Է

«Այլանս» առաջադիմական

ՀՀ Իրավաբանական անձանց

ցենտրիստական կուսակցության

պետական ռեգիստրի կենտրոնական

Հիմնադիր համագումարի որոշմամբ

մարմնի կողմից

«16» մայիսի 2015թ.

«-----»-----201 թ.

Կուսակցության նախագահ՝

Գրանցման թիվ-----

Տ.Ուրիխանյան

Վկայականի համար-----

Հարկ վճարողի հաշվառման

համարը _____

Պետական ռեգիստրի գործակալության պետ՝

Կ. Ադամյան

«ԱԼՅԱՆՍ»

ԱՌԱՋԱԴԻՄԱԿԱՆ ՑԵՆՏՐԻՍՏԱԿԱՆ ԿՈՒՍԱԿՑՈՒԹՅԱՆ

ԿԱՆՈՆԱԴՐՈՒԹՅՈՒՆ

ԵՐԵՎԱՆ 2015թ.

1. ԸՆԴՀԱՆՈՒՐ ԴՐՈՒՅԹՆԵՐ

1.1 «Ալյանս» առաջադիմական ցենտրիստական կուսակցությունը (այսուհետ՝ Կուսակցություն) սույն կանոնադրության և կուսակցության ծրագրային դրույթներն ընդունող անձանց անհատական անդամության հիման վրա ստեղծված հասարակական միավորում է, որի գործունեության նպատակը հասարակության և պետության քաղաքական կյանքին մասնակցելն է:

1.2 Կուսակցությունն իր գործունեությունն իրականացնում է Հայաստանի Հանրապետության Սահմանադրության, օրենքների, սույն կանոնադրության և իր ծրագրի հիման վրա:

1.3 Օրենքով սահմանված կարգով պետական գրանցման պահից Կուսակցությունը հանդիսանում է իրավաբանական անձ, օգտվում է իրավաբանական անձի կարգավիճակից բխող և օրենքով սահմանված իրավունքներից և կրում համապատասխան պարտականություններ:

1.4 Կուսակցության անվանումն է՝

ա) հայերեն՝ «Ալյանս» առաջադիմական ցենտրիստական կուսակցություն (հայավումը՝ «Ալյանս» ԱՅԿ)

բ) ռուսերեն՝ Прогрессивная центристская партия «Альянс» (հայավումը՝ ПЦП «Альянс»)

գ) անգլերեն՝ Progressive centrist party "Alliance" (հայավումը՝ PCP "Alliance"):

1.5 Կուսակցությունն ունի իր խորհրդանշանը: Այն իրենից ներկայացնում է կապույտ գույնով գրված «Ալյանս» բառը, որի առաջին «Ա» տառը շրջափակված է համախմբում խորհրդանշող մարդանման նշաններով, իսկ «Ալյանս» բառի տակ ավելի փոքր տառատեսակով, կապույտ գույնով գրված է «առաջադիմական ցենտրիստական կուսակցություն»:

1.6 Կուսակցությունն ունի իր դրոշը, որն իրենից ներկայացնում է լայնության և երկարության չափերի 1:2-ի հարաբերակցությամբ, կենտրոնում՝ Կուսակցության խորհրդանշանի պատկերով սպիտակ պաստառ:

1.7 Կուսակցությունն ունի իր անվանումով, հայերեն, ռուսերեն, անգլերեն լեզուներով և խորհրդանշանի պատկերով կլոր կնիք, դրոշմակնիք, ձևաթուղթ և անհատականացման այլ միջոցներ:

1.8 Կուսակցության մշտական գործող ղեկավար մարմնի գտնվելու վայրի հասցեն է՝ Հայաստանի Հանրապետություն, ք. Երևան, Գ. Նժդեհ 12, 23:

2. ԿՈՒՍԱԿՑՈՒԹՅԱՆ ՆՊԱՏԱԿՆ ՈՒ ԽՆԴԻՐՆԵՐԸ

2.1. Կուսակցության գործունեության նպատակը հասարակության ու պետության քաղաքական կյանքին մասնակցությունն է:

2.2. Իր նպատակին հասնելու ճանապարհին Կուսակցությունն առաջնային է համարում հետևյալ հիմնական խնդիրների լուծումը՝

ա) ժողովրդավարական ընտրությունների միջոցով Հայաստանի Հանրապետության պետական կառավարման և տեղական ինքնակառավարման մարմիններում իր ներկայացուցչության ապահովումը և այդ ճանապարհով պետական իշխանության մարմինների ձևավորմանը, պետական քաղաքականության մշակմանն ու իրականացմանը մասնակցելը,

- բ) մարդու կողմից իր իրավունքների և ազատությունների լիարժեք իրականացմանն աջակցելը,
- գ) իրավական պետության կայացմանը նպաստելը,
- դ) սոցիալական արդարության համակարգի ձևավորմանն աջակցելը,
- ե) երկրի օրենսդիր, գործադիր և դատական իշխանությունների իրական բաժանման և դրանց միջև արդյունավետ հավասարակշռման գործընթացին օժանդակելը:

3. ԿՈՒՍԱԿՑՈՒԹՅԱՆ ԳՈՐԾՈՒՆԵՈՒԹՅԱՆ ՀԻՄՆԱԿԱՆ ՄԿՋԲՈՒՆՔՆԵՐԸ ԵՎ ՄԵԹՈԴՆԵՐԸ

3.1 Իր գործունեության ընթացքում Կուսակցությունն առաջնորդվում է հետևյալ հիմնական սկզբունքներով՝

- ա) անդամության կամավորություն և իրավահավասարություն,
- բ) օրինականություն և արդարություն,
- գ) գործունեության հրապարակայնություն և թափանցիկություն,
- դ) օբյեկտիվություն և իրատեսություն,
- ե) փոխադարձ հանդուրժողականություն և բազմակարծություն,
- զ) գաղափարական համադրելի հիմքերի վրա այլ կուսակցությունների և հասարակական միավորումների հետ կառուցողական համագործակցություն,
- է) հանրային և պետական շահերի գերակայություն:

3.2 Իր գաղափարների տարածման և ծրագրային խնդիրների իրականացման համար Կուսակցությունն ընդունելի է համարում գործունեության հետևյալ մեթոդների և ձևերի կիրառումը՝

- ա) Կուսակցության տարածքային կառույցների ստեղծում,
- բ) կառուցվածքային ստորաբաժանումների ստեղծում,
- գ) Հայաստանի Հանրապետության օրենսդրությամբ սահմանված կարգով զանգվածային լրատվության միջոցների հիմնադրում,
- դ) Հայաստանի Հանրապետության օրենսդրությամբ սահմանված կարգով զանգվածային լրատվության և օրենքով չարգելված այլ միջոցներով Կուսակցության գաղափարների տարածում և քարոզում,
- ե) պետական և տեղական ինքնակառավարման մարմիններին հանրային նշանակություն ունեցող հարցերի վերաբերյալ նախաձեռնությունների և առաջարկությունների ներկայացում,
- զ) օրենքով սահմանված կարգով ոչ առևտրային կազմակերպությունների ստեղծում:
- է) կազմակերպել և անցկացնել հավաքներ և հանրային միջոցառումներ,
- ը) առանց իրավաբանական անձ կազմավորելու այլ կուսակցությունների հետ դաշինքների և միավորումների (այդ թվում՝ ընտրական) ստեղծում կամ դրանց մասնակցություն,
- թ) օտարերկրյա կուսակցությունների և միավորումների հետ միջազգային կապերի ու շփումների հաստատում և պահպանում, միջազգային միություններին ու ասոցիացիաներին անդամակցություն:

4. ԿՈՒՍԱԿՑՈՒԹՅԱՆ ՂԵԿԱՎԱՐ ՄԱՐՄԻՆՆԵՐԸ, ՏԱՐԱԾՔԱՅԻՆ ԵՎ ԿԱՌՈՒՑՎԱԾՔԱՅԻՆ ՍՏՈՐԱԲԱԺԱՆՈՒՄՆԵՐԸ

4.1 Կուսակցության ղեկավար մարմինները, տարածքային և կառուցվածքային ստորաբաժանումները ստեղծվում են Կուսակցության համագումարի և (կամ) մշտական գործող ղեկավար մարմնի կողմից և իրականացնում են սույն կանոնադրությամբ իրենց վերապահված լիազորությունները:

4.2 Կուսակցության տարածքային և կառուցվածքային ստորաբաժանումները ստեղծվում և նրանց գործունեությունը կազմակերպվում է միայն տարածքային հատկանիշով:

4.3 Կուսակցության ղեկավար մարմիններն են՝

- ա) Կուսակցության համագումարը,
- բ) Կուսակցության նախագահը,
- գ) Կուսակցության վարչությունը:

4.4 Կուսակցության տարածքային ստորաբաժանումներն են՝

- ա) Կուսակցության տարածքային կազմակերպությունը,
- բ) Կուսակցության համայնքային կազմակերպությունը,
- գ) Կուսակցության սկզբնական կազմակերպությունը:

4.5 Կուսակցության կառուցվածքային ստորաբաժանումներն են՝

- ա) Կուսակցության վերահսկողություն իրականացնող մարմինները (վերստուգիչ և վերահսկողական հանձնաժողովներ),
- բ) Կուսակցության գործառության ստորաբաժանումները (հաշվապահություն, հասարակայնության և լրատվության հետ կապերի բաժին, իրավաբանական ծառայություն, վերլուծական կենտրոն և այլն),

4.6 Կուսակցության վերահսկողություն իրականացնող մարմինները ընտրվում և հաստատվում են Կուսակցության համագումարի կողմից՝ 2 տարի ժամկետով, գործում են Կուսակցության համագումարի կողմից իրենց վերապահված լիազորությունների շրջանակներում և հաշվետու են միայն համագումարին:

4.7 Կուսակցության գործառության ստորաբաժանումները ստեղծվում (կազմալուծվում) են Կուսակցության նախագահի առաջարկությամբ և մշտապես գործող ղեկավար մարմնի հաստատմամբ, իրականացնում են սույն կանոնադրությամբ, Կուսակցության մշտական գործող ղեկավար մարմնի և Կուսակցության նախագահի կողմից իրենց վերապահված լիազորությունները և հաշվետու են Կուսակցության մշտական գործող ղեկավար մարմնին:

4.8 Կուսակցության ղեկավար մարմինների (բացառությամբ Կուսակցության նախագահի), տարածքային և կառուցվածքային ստորաբաժանումների նիստերը (ժողովները) իրավագոր են, եթե դրանց մասնակցում են այդ մարմինների (ստորաբաժանումների) անդամների առնվազն 2/3-ը:

4.9 Կուսակցության ղեկավար մարմինների (բացառությամբ Կուսակցության նախագահի), տարածքային և կառուցվածքային ստորաբաժանումների կողմից կոլեգիալ որոշումներն ընդունվում են նիստի (ժողովի) մասնակիցների ձայների մեծամասնությամբ, բաց կամ գաղտնի քվեարկությամբ՝ եթե սույն կանոնադրությամբ կամ Կուսակցության համագումարի որոշմամբ այլ բան նախատեսված չէ: Գաղտնի քվեարկությունն անցկացվում է նիստի (ժողովի) մասնակիցների առնվազն 1/3-ի առաջարկությամբ:

Որոշումների ընդունման ժամանակ ձայները հավասար բաշխվելու դեպքում Կուսակցության ղեկավար մարմինների (բացառությամբ Կուսակցության նախագահի), տարածքային և կառուցվածքային ստորաբաժանումների ղեկավարների (նիստերը նախագահողների) ձայնը վճռորոշ է:

5. ԿՈՒՍԱԿՑՈՒԹՅԱՆ ՍԿԶԲՆԱԿԱՆ ԿԱԶՄԱԿԵՐՊՈՒԹՅՈՒՆԸ

5.1 Կուսակցության կառուցվածքային հիմքը Կուսակցության սկզբնական կազմակերպություններն են, որոնք ստեղծվում (կազմալուծվում) են Կուսակցության մշտապես գործող ղեկավար մարմնի կողմից՝ սեփական նախաձեռնությամբ կամ Կուսակցության տարածքային կազմակերպությունների առաջարկությամբ, երկու տարի ժամկետով:

5.2 Սկզբնական կազմակերպության անդամների նվազագույն քանակը սահմանում է Կուսակցության մշտապես գործող ղեկավար մարմինը:

5.3 Սկզբնական կազմակերպությունն իր գործունեությունն իրականացնում է ժողովների հրավիրման, որոշումների ընդունման, դրանց և Կուսակցության վերադաս մարմինների որոշումների կատարման միջոցով:

5.4 Սկզբնական կազմակերպությունն ընտրում է կազմակերպության ղեկավար և քարտուղար՝ երկու տարի ժամկետով: Եթե առաջադրվել են մեկից ավելի թեկնածուներ, ապա ընտրված է համարվում առավել կողմ ձայներ ստացած թեկնածուն: Սկզբնական կազմակերպության ժողովի որոշմամբ կարող են կատարվել կազմակերպության ղեկավարի և քարտուղարի վաղաժամկետ ընտրություններ:

5.5 Սկզբնական կազմակերպության հերթական ժողովը հրավիրվում է կազմակերպության ղեկավարի կողմից՝ առնվազն վեց ամիսը մեկ անգամ, իսկ արտահերթ ժողովը՝ կազմակերպության ղեկավարի կամ անդամների առնվազն 1/3-ի նախաձեռնությամբ: Սկզբնական կազմակերպության արտահերթ ժողովը հրավիրվում է նախաձեռնողի առաջարկած ժամկետում և օրակարգով:

Սկզբնական կազմակերպության անդամների առնվազն 1/3-ի նախաձեռնությամբ կազմակերպության ղեկավարի կողմից արտահերթ ժողով չհրավիրելու դեպքում նախաձեռնողներն իրավասու են ինքնուրույն հրավիրել արտահերթ ժողովը՝ այդ մասին առնվազն երկու օր առաջ տեղյակ պահելով Կուսակցության անմիջական վերադաս մարմինին:

5.6 Սկզբնական կազմակերպությունը հաշվետու է Կուսակցության վերադաս մարմիններին և գործում է համապատասխան համայնքային կազմակերպության, իսկ դրա բացակայության դեպքում՝ համապատասխան տարածքային կազմակերպության անմիջական ենթակայության տակ:

5.7 Սկզբնական կազմակերպությունը՝

- ա) իրականացնում է իր աշխատանքային ծրագրով նախատեսված միջոցառումներն ու աշխատանքները,
- բ) մասնակցում է Կուսակցության վերադաս մարմինների կազմակերպած միջոցառումներին,
- գ) մշտապես քարոզչություն է իրականացնում կազմակերպության գործունեության տարածքի բնակչության հետ,
- դ) կատարում է Կուսակցության վերադաս մարմինների հանձնարարականները:

6. ԿՈՒՍԱԿՑՈՒԹՅԱՆ ՀԱՄԱՅՆՔԱՅԻՆ ԿԱԶՄԱԿԵՐՊՈՒԹՅՈՒՆԸ

6.1 Կուսակցության համայնքային կազմակերպությունները ստեղծվում (կազմալուծվում) են Կուսակցության մշտապես գործող ղեկավար մարմնի կողմից՝ սեփական նախաձեռնությամբ կամ Կուսակցության տարածքային կազմակերպությունների առաջարկությամբ, երկու տարի ժամկետով, և համակարգում են Հայաստանի Հանրապետության համապատասխան համայնքների տարածքում ստեղծված սկզբնական կազմակերպությունների գործունեությունը:

6.2 Համայնքային կազմակերպության ղեկավար մարմինը կազմակերպության խորհուրդն է, որի անդամներն ընտրվում են համապատասխան համայնքային կազմակերպության կոնֆերանսի կողմից:

Համայնքային կազմակերպության խորհրդի անդամների նվազագույն քանակը սահմանում է Կուսակցության մշտապես գործող ղեկավար մարմինը:

6.3 Համայնքային կազմակերպությունն իր գործունեությունն իրականացնում է խորհրդի նիստերի հրավիրման, որոշումների ընդունման, դրանց և Կուսակցության վերադաս մարմինների որոշումների կատարման միջոցով:

6.4 Համայնքային կազմակերպության խորհուրդն ընտրում է կազմակերպության խորհրդի ղեկավար և քարտուղար՝ երկու տարի ժամկետով: Եթե առաջադրվել են մեկից ավելի թեկնածուներ, ապա ընտրված է համարվում առավել կողմ ձայներ ստացած թեկնածուն: Համայնքային կազմակերպության խորհրդի որոշմամբ կարող են կատարվել կազմակերպության խորհրդի ղեկավարի և քարտուղարի վաղաժամկետ ընտրություններ:

6.5 Համայնքային կազմակերպության խորհրդի հերթական նիստը հրավիրվում է կազմակերպության խորհրդի ղեկավարի կողմից՝ առնվազն վեց ամիսը մեկ անգամ, իսկ արտահերթ նիստը՝ կազմակերպության խորհրդի ղեկավարի կամ անդամների առնվազն 1/3-ի նախաձեռնությամբ: Համայնքային կազմակերպության խորհրդի արտահերթ նիստը հրավիրվում է նախաձեռնողի առաջարկած ժամկետում և օրակարգով: Համայնքային կազմակերպության խորհրդի անդամների առնվազն 1/3-ի նախաձեռնությամբ կազմակերպության խորհրդի ղեկավարի կողմից արտահերթ նիստ չհրավիրելու դեպքում նախաձեռնողներն իրավասու են ինքնուրույն հրավիրել արտահերթ նիստը՝ այդ մասին առնվազն երկու օր առաջ տեղյակ պահելով Կուսակցության անմիջական վերադաս մարմին:

6.6 Համայնքային կազմակերպության խորհուրդը հաշվետու է Կուսակցության վերադաս մարմիններին և գործում է համապատասխան տարածքային կազմակերպության անմիջական ենթակայության տակ:

6.7 Համայնքային կազմակերպության խորհուրդը՝

- ա) համակարգում և վերահսկում է իր ենթակայության տակ գործող սկզբնական կազմակերպությունների գործունեությունը,
- բ) հաստատում է իր ենթակայության տակ գործող սկզբնական կազմակերպությունների տարեկան հաշվետվությունները և աշխատանքային ծրագրերը,
- գ) իրականացնում է իր աշխատանքային ծրագրով նախատեսված միջոցառումներն ու աշխատանքները,
- դ) մասնակցում է Կուսակցության վերադաս մարմինների կազմակերպած միջոցառումներին,
- ե) մշտական կապ է պահպանում իր ենթակայության տակ գործող սկզբնական կազմակերպությունների հետ,
- զ) կատարում է Կուսակցության վերադաս մարմինների հանձնարարականները:

7. ԿՈՒՍԱԿՑՈՒԹՅԱՆ ՏԱՐԱԾՔԱՅԻՆ ԿԱԶՄԱԿԵՐՊՈՒԹՅՈՒՆԸ

7.1 Կուսակցության տարածքային կազմակերպությունները ստեղծվում (կազմալուծվում) են Կուսակցության մշտական գործող ղեկավար մարմնի կողմից երկու տարի ժամկետով և համակարգում են համապատասխան տարածքներում ստեղծված համայնքային, իսկ դրանց բացակայության դեպքում՝ սկզբնական կազմակերպությունների գործունեությունը:

7.2 Տարածքային կազմակերպության ղեկավար մարմինը կազմակերպության խորհուրդն է, որի անդամներն ընտրվում են համապատասխան տարածքային կազմակերպության կոնֆերանսի կողմից: Տարածքային կազմակերպության խորհրդի անդամների նվազագույն քանակը, ինչպես նաև

կազմակերպության գործունեության տարածքը սահմանում է Կուսակցության մշտապես գործող ղեկավար մարմինը:

7.3 Տարածքային կազմակերպությունն իր գործունեությունն իրականացնում է խորհրդի նիստերի հրավիրման, որոշումների ընդունման, դրանց և Կուսակցության վերադաս մարմինների որոշումների կատարման միջոցով:

7.4 Տարածքային կազմակերպության խորհուրդն ընտրում է կազմակերպության խորհրդի ղեկավար և քարտուղար՝ երկու տարի ժամկետով: Եթե առաջադրվել են մեկից ավելի թեկնածուներ, ապա ընտրված է համարվում առավել կողմ ձայներ ստացած թեկնածուն: Տարածքային կազմակերպության խորհրդի որոշմամբ կարող են կատարվել կազմակերպության խորհրդի ղեկավարի և քարտուղարի վաղաժամկետ ընտրություններ:

7.5 Տարածքային կազմակերպության խորհրդի հերթական նիստը հրավիրվում է կազմակերպության խորհրդի ղեկավարի կողմից՝ առնվազն վեց ամիսը մեկ անգամ, իսկ արտահերթ նիստը՝ կազմակերպության խորհրդի ղեկավարի կամ անդամների առնվազն 1/3-ի նախաձեռնությամբ: Տարածքային կազմակերպության խորհրդի արտահերթ նիստը հրավիրվում է նախաձեռնողի առաջարկած ժամկետում և օրակարգով:

Տարածքային կազմակերպության խորհրդի անդամների առնվազն 1/3-ի նախաձեռնությամբ կազմակերպության խորհրդի ղեկավարի կողմից արտահերթ նիստ չհրավիրելու դեպքում նախաձեռնողներն իրավասու են ինքնուրույն հրավիրել արտահերթ նիստը՝ այդ մասին առնվազն երկու օր առաջ տեղյակ պահելով Կուսակցության անմիջական վերադաս մարմինին:

7.6 Տարածքային կազմակերպության խորհուրդը հաշվետու է Կուսակցության վերադաս մարմիններին և գործում է Կուսակցության մշտական գործող ղեկավար մարմնի անմիջական ենթակայության տակ:

7.7 Տարածքային կազմակերպության խորհուրդը՝

- ա) համակարգում և վերահսկում է իր ենթակայության տակ գործող համայնքային (սկզբնական) կազմակերպությունների գործունեությունը,
- բ) հաստատում է իր ենթակայության տակ գործող համայնքային (սկզբնական) կազմակերպությունների տարեկան հաշվետվությունները և աշխատանքային ծրագրերը,
- գ) իրականացնում է իր աշխատանքային ծրագրով նախատեսված միջոցառումներն ու աշխատանքները,
- դ) մասնակցում է Կուսակցության մշտական գործող ղեկավար մարմնի կազմակերպած միջոցառումներին,
- ե) մշտական կապ է պահպանում իր ենթակայության տակ գործող համայնքային (սկզբնական) կազմակերպությունների հետ,
- զ) կատարում է Կուսակցության մշտապես գործող ղեկավար մարմնի հանձնարարականները:

8. ԿՈՒՍԱԿՑՈՒԹՅԱՆ ՎԱՐՉՈՒԹՅՈՒՆԸ

8.1 Կուսակցության վարչությունը Կուսակցության մշտապես գործող ղեկավար մարմինն է, որը ձևավորվում (կազմալուծվում) է Կուսակցության համագումարի կողմից և համակարգում է Կուսակցության տարածքային կազմակերպությունների, այլ պետություններում ստեղծված ներկայացուցչությունների, ինչպես նաև Կուսակցության կառուցվածքային ստորաբաժանումների գործունեությունը:

8.2 Կուսակցության վարչության անդամների քանակը սահմանում է Կուսակցության համագումարը: Կուսակցության վարչության անդամներն ընտրվում են Կուսակցության համագումարի կողմից՝ երկու տարի ժամկետով, համագումարի պատվիրակների ընդհանուր թվի ձայների մեծամասնությամբ:

8.3 Կուսակցության վարչության անդամի լիազորությունները դադարում են՝

- ա) սահմանված ժամկետը լրանալու կապակցությամբ,
- բ) Կուսակցության համագումարի որոշմամբ,
- գ) Կուսակցության վարչության որոշմամբ՝ սույն Կանոնադրության 10.11 կետով նախատեսված դեպքերում,
- դ) Կուսակցությունից վարչության անդամի դուրս գալու կամ հեռացվելու դեպքերում,
- ե) Կուսակցության վարչության անդամի դիմումի համաձայն,
- զ) օրենսդրությամբ սահմանված կարգով Կուսակցության վարչության անդամին անգործունակ կամ սահմանափակ գործունակ ճանաչվելու դեպքում,
- է) Կուսակցության վարչության անդամի մահվան կապակցությամբ:

8.4 Կուսակցության վարչությունը իր գործունեությունն իրականացնում է վարչության նիստերի հրավիրման, որոշումների ընդունման, դրանց և Կուսակցության համագումարի որոշումների կատարման միջոցով:

8.5 Կուսակցության վարչությունը ղեկավարում է Կուսակցության նախագահը, որն ի պաշտոնե հանդիսանում է Կուսակցության վարչության նախագահը, և պատասխանատու է Կուսակցության ընդհանուր գործունեության, Կուսակցության գաղափարական, քաղաքական և ծրագրային դրույթների կենսագործման համար:

8.6 Կուսակցության վարչությունը ընտրում է վարչության քարտուղար՝ երկու տարի ժամկետով, որը պատասխանատու է Կուսակցության կազմակերպական աշխատանքների համակարգման և գործավարության համար: Եթե առաջադրվել են Կուսակցության վարչության քարտուղարի մեկից ավելի թեկնածուներ, ապա ընտրված է համարվում առավել կողմ ձայներ ստացած թեկնածուն: Կուսակցության վարչության որոշմամբ կարող է կատարվել վարչության քարտուղարի վաղաժամկետ ընտրություն:

8.7 Կուսակցության վարչության հերթական նիստը հրավիրվում է վարչության նախագահի կողմից՝ առնվազն երկու ամիսը մեկ անգամ, իսկ արտահերթ նիստը՝ վարչության նախագահի կամ անդամների առնվազն 1/3-ի նախաձեռնությամբ: Կուսակցության վարչության արտահերթ նիստը հրավիրվում է նախաձեռնողի առաջարկած ժամկետում և օրակարգով:

8.8 Կուսակցության վարչությունը հաշվետու է Կուսակցության համագումարին:

8.9 Կուսակցության վարչությունը՝

- ա) Կուսակցության անունից իրականացնում է նրա՝ որպես իրավաբանական անձի լիազորությունները,
- բ) համակարգում և վերահսկում է տարածքային կազմակերպությունների գործունեությունը,
- գ) իրականացնում է իր աշխատանքային ծրագրով նախատեսված միջոցառումներն ու աշխատանքները,
- դ) պատրաստում և Կուսակցության համագումարի հաստատմանն է ներկայացնում համագումարների միջև ընկած ժամանակահատվածում իր գործունեության վերաբերյալ հաշվետվությունը,

- ե) հրավիրում է Կուսակցության հերթական կամ արտահերթ համագումար, կազմակերպում է համագումարների հրավիրման նախապատրաստական աշխատանքները կամ այդ նպատակով ստեղծում է կազմակերպական կոմիտե,
- զ) վերահսկում է Կուսակցության համագումարի և իր որոշումների կատարումը,
- է) մշակում է Կուսակցության գաղափարախոսական հիմնադրությունները, ծրագրային և կանոնադրական փաստաթղթերը, Կուսակցության մարտավարական սկզբունքները, Կուսակցության անունից կատարում է հայտարարություններ և առաջարկություններ,
- ը) համակարգում է պետական կառավարման և տեղական ինքնակառավարման մարմիններում ընտրված Կուսակցության անդամների գործունեությունը,
- թ) կազմում է հանձնաժողովներ Կուսակցության վարչության նախագահի ներկայացմամբ հաստատում է հանձնաժողովների նախագահների թեկնածությունները,
- ժ) հաստատում է Հայաստանի Հանրապետության Ազգային ժողովի՝ համամասնական ընտրակարգով թեկնածուներ առաջադրելու մասին ցուցակը, Ազգային ժողովի՝ մեծամասնական ընտրակարգով առաջադրվող, պետական կառավարման և տեղական ինքնակառավարման մյուս մարմինների ընտրվող, ինչպես նաև քաղաքական կամ քաղաքացիական նշանակվող պաշտոններում ընտրվելու (նշանակվելու) նպատակով Կուսակցության կողմից առաջադրվող թեկնածությունները,
- ի) որոշում է ընդունում Հանրապետության Նախագահի թեկնածուի առաջադրման կամ առաջադրված որևէ թեկնածություն պաշտպանելու մասին,
- լ) որոշում է ընդունում առանց իրավաբանական անձ կազմավորելու այլ կուսակցությունների հետ դաշինքների կամ միավորումների (այդ թվում՝ ընտրական) ստեղծման կամ դրանց մասնակցության մասին,
- խ) իրականացնում է սույն կանոնադրությամբ և Կուսակցության համագումարի կողմից իրեն վերապահված այլ լիազորություններ:

9. ԿՈՒՍԱԿՑՈՒԹՅԱՆ ՀԱՄԱԳՈՒՄԱՐԸ ԵՎ ԿՈՒՍԱԿՑՈՒԹՅԱՆ ՆԱԽԱԳԱՀԸ

9.1 Կուսակցության համագումարը Կուսակցության բարձրագույն ղեկավար մարմինն է, որն ունի Կուսակցության գործունեությանն առնչվող ցանկացած հարցի վերջնական լուծման վերաբերյալ որոշում ընդունելու իրավունք, և որի ընդունած որոշումները պարտադիր են Կուսակցության բոլոր մարմինների, կառուցվածքային և տարածքային ստորաբաժանումների, ներկայացուցչությունների և անդամների համար:

9.2 Կուսակցության հերթական համագումարները հրավիրվում են երկու տարին մեկ անգամ: Կուսակցության վարչության որոշմամբ կարող է հրավիրվել Կուսակցության արտահերթ համագումար: Հերթական համագումարի հրավիրումից առնվազն մեկ ամիս առաջ Կուսակցության վարչությունը հրավիրում է հատուկ նիստ, որտեղ քննարկվում է համագումարի օրակարգի նախագիծը:

9.3 Կուսակցության համագումարի պատվիրակների ընդհանուր թիվը, Կուսակցության սկզբնական կազմակերպության պատվիրակների թվի և այդ կազմակերպության անդամների ընդհանուր թվի համամասնությունը, ինչպես նաև ի պաշտոնե համագումարի պատվիրակ հանդիսացող Կուսակցության անդամների ցանկը որոշում է Կուսակցության վարչությունը: Կուսակցության սկզբնական կազմակերպությունների պատվիրակներն առաջադրվում և ընտրվում են սկզբնական կազմակերպությունների ժողովներում՝ հերթական համագումարի հրավիրման օրից առնվազն քառասուն, իսկ արտահերթ համագումարի հրավիրման օրից՝ առնվազն տասն օր առաջ:

9.4 Կուսակցության համագումարը՝

- ա) լսում և հաստատում է համագումարների միջև ընկած ժամանակահատվածում Կուսակցության գործունեության վերաբերյալ Կուսակցության վարչության հաշվետվությունը,
- բ) քննարկում և ընդունում է Կուսակցության ծրագիրը և հաստատում կանոնադրությունը, դրանց մեջ փոփոխություններ և լրացումներ կատարելու նախագծերը,
- գ) ընտրում է Կուսակցության նախագահ և Կուսակցության վարչության անդամներ,
- դ) ընտրում է Կուսակցության վերստուգիչ հանձնաժողով,
- ե) լսում և հաստատում է Կուսակցության վերստուգիչ հանձնաժողովի հաշվետվությունը,
- զ) որոշում է Կուսակցության ռազմավարական, գաղափարական-քաղաքական ուղին, Կուսակցության խնդիրների իրականացման գործելակերպը,
- է) որոշում է ընդունում Կուսակցության վերակազմակերպման կամ Կուսակցության լուծարման մասին,
- ը) քննարկում և վերջնական որոշում է կայացնում Կուսակցության գործունեության հետ կապված ցանկացած հարցի վերաբերյալ:

9.5 Կուսակցության համագումարն իրավագոր է, եթե ներկա են (գրանցված են) համագումարի պատվիրակների ընդհանուր թվի առնվազն 2/3-ը:

9.6 Համագումարի որոշումները, բացառությամբ օրենքով և սույն կանոնադրությամբ նախատեսված դեպքերի, ընդունվում են բաց կամ գաղտնի քվեարկությամբ, համագումարին ներկա (գրանցված) պատվիրակների ձայների մեծամասնությամբ: Գաղտնի քվեարկությունն անցկացվում է համագումարին ներկա (գրանցված) պատվիրակների առնվազն 1/3-ի առաջարկությամբ:

9.7 Կուսակցության կանոնադրության և ծրագրի ընդունման, դրանցում փոփոխություններ և լրացումներ կատարելու, Կուսակցության վերակազմակերպման, լուծարման, ինչպես նաև օրենքով կամ սույն կանոնադրությամբ նախատեսված դեպքերում որոշումներն ընդունվում են Կուսակցության համագումարի պատվիրակների ընդհանուր թվի ձայների մեծամասնությամբ:

9.8 Կուսակցության համագումարը, Կուսակցության ֆինանսական գործունեության վերահսկման նպատակով, ընտրում է Կուսակցության վերստուգիչ հանձնաժողով, որի անդամների թիվը հաստատում է համագումարը: Վերստուգիչ հանձնաժողովի անդամը չի կարող միաժամանակ լինել Կուսակցության ղեկավար մարմինների անդամ, Կուսակցության տարածքային ստորաբաժանման ղեկավար կամ քարտուղար:

9.9 Կուսակցության վերստուգիչ հանձնաժողովի անդամներն իրենց կազմից ընտրում են հանձնաժողովի նախագահ: Կուսակցության վերստուգիչ հանձնաժողովը գործում է Կուսակցության համագումարի կողմից իրեն վերապահված լիազորությունների շրջանակում և հաշվետու է միայն համագումարին:

9.10 Կուսակցության համագումարը, գրանցված պատվիրակների ձայների մեծամասնությամբ, երկու տարի ժամկետով ընտրում է Կուսակցության նախագահ: Եթե առաջադրվել են մեկից ավելի թեկնածուներ, ապա ընտրված է համարվում առավել կողմ ձայներ ստացած թեկնածուն: Համագումարի որոշմամբ Կուսակցության նախագահի վաղաժամկետ ընտրություն կարող է կատարվել համագումարի պատվիրակների ընդհանուր թվի 2/3-ի կողմ ձայներով ընդունված որոշմամբ:

9.11 Կուսակցության նախագահը՝

- ա) իրականացնում է Կուսակցության և նրա վարչության գործունեության ղեկավարումը,

բ) ներկայացնում է Կուսակցությունը, նրա շահերը և դիրքորոշումը պետական մարմինների, հասարակական, քաղաքական և միջազգային կազմակերպությունների, միությունների ու ասոցիացիաների հետ ունեցած հարաբերություններում, կամ այդ նպատակով լիազորում է Կուսակցության այլ անդամների,

գ) ղեկավարում է Կուսակցության վարչության աշխատանքները և համակարգում Կուսակցության բոլոր ստորաբաժանումների գործունեությունը,

դ) տնօրինում է Կուսակցության գույքը և դրամական միջոցները,

ե) հաստատում (ստորագրում) է Կուսակցության վարչության որոշումները,

զ) հաստատում և օրենքով սահմանված կարգով ու ժամկետում պետական լիազոր մարմիններ կայացնում է Կուսակցության ֆինանսական և հաշվապահական հաշվետվությունները,

է) օրենքով սահմանված ժամկետում զանգվածային լրատվության միջոցներում հրապարակում է Կուսակցության ֆինանսական և գույքի օգտագործման վերաբերյալ հաշվետվությունները,

ը) իրականացնում է սույն կանոնադրությամբ և Կուսակցության համագումարի կողմից իրեն վերապահված այլ լիազորություններ:

10. ԿՈՒՍԱԿՑՈՒԹՅԱՆ ԱՆԴԱՄԱԿՑՈՒԹՅՈՒՆԸ , ԿՈՒՍԱԿՑՈՒԹՅԱՆ ԱՆԴԱՄՆԵՐԻ ԻՐԱՎՈՒՆՔՆԵՐՆ ՈՒ ՊԱՐՏԱԿԱՆՈՒԹՅՈՒՆՆԵՐԸ

10.1 Կուսակցության անդամ կարող են լինել տասնութ տարին լրացած Հայաստանի Հանրապետության այն քաղաքացիները, ովքեր ընդունում են Կուսակցության ծրագիրն ու կանոնադրությունը, չեն հանդիսանում մեկ այլ կուսակցության անդամ:

10.2 Կուսակցության անդամ չեն կարող լինել՝

- ա) օտարերկրյա քաղաքացիները,
- բ) քաղաքացիություն չունեցող անձինք,
- գ) այն անձինք, որոնք «Կուսակցությունների մասին» Հայաստանի Հանրապետության օրենքին համապատասխան չեն կարող լինել որևէ կուսակցության անդամ:

10.3 Կուսակցության անդամագրվում են կամավոր հիմունքներով, անհատական կարգով, անձնական դիմումի համաձայն՝

- ա) Կուսակցության տարածքային կազմակերպության խորհրդի որոշմամբ,
- բ) Կուսակցության վարչության որոշմամբ:

10.4 Կուսակցության անդամն անդամակցում է Կուսակցության որևէ տարածքային կազմակերպության և հաշվառվում այդ կազմակերպությունում:

10.5 Եթե Հայաստանի Հանրապետության Սահմանադրությամբ և օրենքներով կուսակցության անդամակցությունն անթույլատրելի է դառնում, ապա այն կասեցվում է Կուսակցության անդամի դիմումի հիման վրա և (կամ) Կուսակցության վարչության որոշմամբ: Կասեցման վերացումը կատարվում է նույն կարգով:

10.6 Կուսակցության անդամն իրավունք ունի՝

- ա) ընտրել և ընտրվել Կուսակցության ղեկավար մարմինների անդամ (այդ թվում՝ տվյալ մարմինների պատվիրակ, նախագահ, ղեկավար կամ քարտուղար), տարածքային և (կամ) կառուցվածքային ստորաբաժանումների ղեկավար մարմինների անդամ (այդ թվում՝ տվյալ

մարմինների նախագահ, ղեկավար կամ քարտուղար) կամ վերահսկողություն իրականացնող մարմինների անդամ:

բ) ընդգրկվել Հայաստանի Հանրապետության Ազգային ժողովի՝ համամասնական ընտրակարգով թեկնածուներ առաջադրելու մասին ցուցակում, առաջադրվել որպես Կուսակցության թեկնածու՝ Ազգային ժողովի մեծամասնական ընտրակարգով, ինչպես նաև պետական կառավարման և տեղական ինքնակառավարման մյուս մարմինների ընտրովի, քաղաքական կամ քաղաքացիական նշանակովի պաշտոններում ընտրվելու (նշանակվելու) նպատակով:

գ) կասեցնել և վերականգնել Կուսակցությանն իր անդամությունը,

դ) իր դիմումի համաձայն դուրս գալ Կուսակցությունից,

ե) օգտվել սույն կանոնադրությամբ և օրենքով նախատեսված այլ իրավունքներից:

10.7 Կուսակցության անդամը պարտավոր է՝

ա) գործել Կուսակցության կանոնադրության շրջանակներում,

բ) կատարել Կուսակցության համագումարի և վերադաս մարմինների որոշումները,

գ) մասնակցել կուսակցական իր կազմակերպության ժողովներին և միջոցառումներին,

դ) պահպանել կուսակցության անդամների համար օրենքով նախատեսված սահմանափակումները և կատարել սույն կանոնադրությամբ և օրենքով նախատեսված այլ պարտականություններ:

10.8 Կուսակցության անդամն իրավունք չունի Հայաստանի Հանրապետության պետական կառավարման և տեղական ինքնակառավարման մարմիններում զբաղեցրած իր ծառայողական (պաշտոնեական) դիրքն օգտագործել հօգուտ կուսակցական շահերի:

10.9 Կուսակցության անդամի համար Կուսակցությանն անդամակցությունը դադարում է՝

ա) նրա դիմումի համաձայն Կուսակցությունից դուրս գալու դեպքում,

բ) Կուսակցությունից նրա հեռացվելու դեպքում,

գ) նրա մահվան կապակցությամբ,

դ) Կուսակցության լուծարման կապակցությամբ:

10.10 Կուսակցական պարտականությունները և հատուկ առաջադրանքները գերազանց կատարելու համար Կուսակցության անդամի նկատմամբ կարող են կիրառվել խրախուսանքի հետևյալ տեսակները՝

ա) շնորհակալության հայտարարում,

բ) միանվագ դրամական պարգևատրում,

գ) հուշանվերով պարգևատրում:

10.11 Կուսակցության կանոնադրության պահանջները կամ վերադաս մարմինների որոշումները չկատարելու, Կուսակցության անդամին ոչ վայել վարքագիծ դրսևորելու, Կուսակցության պատիվը և բարի համբավն արատավորելու, քրեորեն հետապնդելի արարք կատարելու, կուսակցական հանձնարարություններն անհարգելի պատճառով չկատարելու կամ ոչ պատշաճ կատարելու, ինչպես նաև Կուսակցության վարչության կողմից նախատեսված այլ դեպքերում Կուսակցության անդամի նկատմամբ կարող են կիրառվել կարգապահական հետևյալ տույժերը՝

ա) նախազգուշացում,

բ) նկատողություն,

գ) խիստ նկատողություն,

- դ) Կուսակցության վարչության, տարածքային, համայնքային և սկզբնական կազմակերպությունների ղեկավար մարմինների անդամության դադարեցում,
- ե) Կուսակցությունից հեռացում:

10.12 Կուսակցության անդամների նկատմամբ խրախուսանքի տեսակների և կարգապահական տույժերի կիրառման կարգը սահմանում է Կուսակցության վարչությունը:

11. ԿՈՒՍԱԿՑՈՒԹՅԱՆ ԱՆԴԱՄՆԵՐԻ ՀԱՇՎԱՌՄԱՆ ԿԱՐԳԸ

11.1 Կուսակցության անդամների հաշվառումն իրականացնում են՝

- ա) տարածքային կազմակերպության խորհրդի քարտուղարը,
- բ) Կուսակցության վարչության քարտուղարը:

11.2 Կուսակցության անդամների հաշվառման նպատակով տարածքային կազմակերպություններում բացվում են Կուսակցության անդամների հաշվառման անձնական քարտեր, որտեղ գրանցվում են Կուսակցության անդամի վերաբերյալ հետևյալ տեղեկությունները՝

- ա) հաշվառման հերթական համարը և գրանցման ամիսը, ամսաթիվը և տարեթիվը,
- բ) անունը, ազգանունը և հայրանունը,
- գ) տարիքը (ծննդյան ամիսը, ամսաթիվը և տարեթիվը) և սեռը,
- դ) մշտական բնակության վայրի հասցեն և հեռախոսահամարները,
- ե) կրթությունը,
- զ) աշխատանքի վայրը,
- է) Կուսակցության տարածքային այն կազմակերպության անվանումը, որտեղ հաշվառված է Կուսակցության տվյալ անդամը,
- ը) ըստ հայեցողության լրացուցիչ այլ տեղեկություններ:

12. ԸՆՏՐՈՎԻ ՊԱՇՏՈՆՆԵՐՈՒՄ ԿՈՒՍԱԿՑՈՒԹՅԱՆ ԹԵԿՆԱԾՈՒՆԵՐԻ

ԱՌԱՋԱԴՐՄԱՆ ԵՎ ՀԵՏԿԱՆՉԻ ԿԱՐԳԸ

12.1 Հայաստանի Հանրապետության պետական կառավարման և տեղական ինքնակառավարման մարմինների ընտրովի, ինչպես նաև քաղաքական կամ քաղաքացիական նշանակովի պաշտոններում ընտրվելու (նշանակվելու) նպատակով Կուսակցության թեկնածուներ կարող են առաջադրվել Կուսակցության վարչության կողմից՝ սեփական նախաձեռնությամբ և (կամ) Կուսակցության ղեկավար մարմինների առաջարկությամբ:

12.2 Հանրապետության Նախագահի թեկնածու կարող է առաջադրվել կամ առաջադրված որևէ թեկնածուի պաշտպանության օգտին որոշում կարող է կայացվել Կուսակցության վարչության կողմից:

12.3 Կուսակցության վարչության կողմից հաստատված թեկնածությունների հետևանքը կատարվում է նույն կարգով:

13. ՆԵՐԿՈՒՍԱԿՑԱԿԱՆ ՎԵՃԵՐԻ ԼՈՒԾՄԱՆ ԿԱՐԳԸ

13.1 Ներկուսակցական վեճերը լուծվում են վերադասության կարգով: Եթե վեճի կողմերից մեկը համաձայն չէ վերադաս մարմնի կայացրած որոշման հետ, ապա այդ որոշումը նա կարող է

բողոքարկել Կուսակցության վարչությունում, իսկ անհրաժեշտության դեպքում՝ նաև Կուսակցության համագումարում:

13.2 Կուսակցության համագումարում կարող են բողոքարկվել միայն Կուսակցության գաղափարախոսության, հայացքների ու տեսակետների, ծրագրի և կանոնադրության, ինչպես նաև ընտրովի պաշտոններում Կուսակցության թեկնածուների հետ կապված որոշումները:

13.3 Վերադասության կարգով որոշման բողոքարկումը վեճի կողմերին չի ազատում նրանց վրա դրված պարտականությունների կատարումից:

14. ԿՈՒՍԱԿՑՈՒԹՅԱՆ ՍԵՓԱԿԱՆՈՒԹՅՈՒՆԸ ԵՎ ԴՐԱՄԱԿԱՆ ՄԻՋՈՑՆԵՐԸ

14.1 Կուսակցության սեփականությունը գոյանում է անդամավճարներից, նվիրատվություններից, սահմանված կարգով իրականացված գործունեությունից և օրենքով չարգելված այլ աղբյուրներից:

14.2 Կուսակցության կողմից ստացված, ինչպես նաև նրա սեփական միջոցների հաշվին ստեղծված և (կամ) ձեռք բերված գույքի սեփականատերը Կուսակցությունն է:

14.3 Կուսակցության անդամը սեփականության իրավունք չունի Կուսակցությանը պատկանող գույքի կամ դրա մասի նկատմամբ և պատասխանատվություն չի կրում Կուսակցության պարտավորությունների համար: Կուսակցությունը պատասխանատվություն չի կրում իր անդամների պարտավորությունների համար:

14.4 Կուսակցության ղեկավար մարմինները, տարածքային և կառուցվածքային ստորաբաժանումները Կուսակցության կողմից իրենց հատկացված գույքը (ցանկացած չափի և տեսակի) տիրապետում և օգտագործում են Կուսակցության վարչության կողմից նախատեսված սահմաններում և կարգով:

14.5 Կուսակցության դրամական միջոցները ձևավորվում են՝

- ա) անդամավճարներից,
- բ) օրենքով նախատեսված նվիրատվություններից,
- գ) օրենքով նախատեսված բյուջետային ֆինանսավորումից,
- դ) քաղաքացիական-իրավական գործարքներից և օրենքով չարգելված այլ մուտքերից:

14.6 Կուսակցությանը սեփականության իրավունքով կարող են պատկանել ծրագրային և կանոնադրական խնդիրների իրականացման համար անհրաժեշտ շինություններ, դրամական, փոխադրական միջոցներ և այլ գույք:

14.7 Կուսակցության գույքը և դրամական միջոցները տնօրինում է Կուսակցության նախագահը, իսկ նրա կողմից լիազորված լինելու դեպքում՝ Կուսակցության վարչությունը և Կուսակցության տարածքային կազմակերպությունների խորհուրդները՝ ըստ Կուսակցության վարչության կողմից հաստատված նախահաշվի և կարգի:

15. ԿՈՒՍԱԿՑՈՒԹՅԱՆ ՎԵՐԱԿԱԶՄԱԿԵՐՊՄԱՆ ԵՎ (ԿԱՄ) ԼՈՒԾԱՐՄԱՆ ԿԱՐԳԸ

15.1 Կուսակցության վերակազմակերպումը և (կամ) լուծարումը կարող է կատարվել Կուսակցության համագումարի որոշմամբ՝ Հայաստանի Հանրապետության օրենսդրությամբ և սույն կանոնադրությամբ սահմանված կարգով: Կուսակցությունը կարող է վերակազմակերպվել (միաձուլվել, միանալ, բաժանվել, առանձնանալ) միայն այլ կուսակցության (կուսակցությունների):

15.2 Կուսակցության վերակազմակերպման և (կամ) լուծարման նախաձեռնությամբ կարող են հանդես գալ Կուսակցության վարչությունը կամ Կուսակցության համագումարի պատվիրակների առնվազն 1/3-ը՝ գրավոր առաջարկով:

15.3 Կուսակցության վերակազմակերպման և (կամ) լուծարման մասին որոշումն ընդունվում է Կուսակցության համագումարի պատվիրակների ընդհանուր թվի ձայների մեծամասնությամբ:

15.4 Համագումարի կողմից Կուսակցության վերակազմակերպման մասին որոշում ընդունելու դեպքում ստեղծվում է ժամանակավոր հանձնաժողով, որն իրականացնում է Կուսակցության վերակազմակերպման հետ կապված և համագումարի որոշմամբ նախատեսված աշխատանքները:

15.5 Համագումարի կողմից Կուսակցության լուծարման մասին որոշում ընդունելու դեպքում ստեղծվում է լուծարման հանձնաժողով, որը Հայաստանի Հանրապետության օրենսդրությամբ սահմանված կարգով տնօրինում է Կուսակցության գույքը և դրամական միջոցները, ինչպես նաև իրականացնում է Կուսակցության լուծարման հետ կապված աշխատանքները: Այս դեպքում Կուսակցության լուծարումից հետո մնացած գույքը Կուսակցության համագումարի որոշմամբ փոխանցվում է Հայաստանի Հանրապետությունում գրանցված հասարակական կազմակերպության կամ հիմնադրամի կամ Հայաստանի Հանրապետությանը:

15.6 Կուսակցությունը ենթակա է լուծարման նաև օրենքով սահմանված դեպքերում և կարգով: